

水城果事杂述

水城縣事雜述，一卷，民國十七年縣人
王宅書撰以補水城縣志之缺載者，原稿存
水城縣檔案館。

貴州省圖書館采編組

一九六五年二月

天城集卷之三

貴州各屬軍政要務

貴州各屬軍政要務

貴州各屬軍政要務

水城縣事雜述

王宅書

辛酉之變

民國辛酉秋九月有威屬窩子菁股匪馬正清率黨八百餘人由木科竄入濫壩分隊往磨石溝攻富人王國興嗣其子在宅先逸夜半遣佃來城請援不至嗣破被害盡其所有而去旋至歸集焚燒馬路營警備隊協團進勦不克而還賊遂盤踞大寨勾結莠民四出議和得金即免燒擄並開庭理訴訟有賄則勝黃河外娘娘山

有清水教楊得成倡亂呼其妹妹為皇后其表
妹黎素貞為黎山母聚衆千餘與馬匪聯合聲
勢浩大欲踞大壘為巢城紳李樹貞等奔告政
府委駐畢防軍一營來水剿辦該軍向地方要
求苛條多件未如願三日後託詞調回不戰而
還詎知一患未平一患又至著匪劉毛二正坤
等又率匪千餘由宣威屬潛入歸集聞警即閉
城固守宵行如風竟於十月二十五日卯時環
城圍攻索款十五萬元不將屠城使者三返允

減為四萬元已陸續繳款矣而東城外砲聲大作衆知不能和乃開槍拒敵斃梟匪羅飛天並其酋目卒徒數十人戰始停復擲書入城索馬數匹鴉片千兩始解圍移攻郎岱亦不克而還然楊馬二匪猶在黃河內外蹂躪不堪城紳赴省告急十一月省政府始派連長劉弼章應忠率本連來水剿辦十四日至水即會集官紳計議向居民借便衣扮匪往一日夜馳至楊梅樹投効於匪恐失機遂於是夜進攻值匪熟睡各

取刺刃入匪寨逢人便截其排長唐正國尤勇
不可當手^刃十餘人猶擊殺不休為匪所害惜
哉天明日出匪鳴角合圍劉恐衆寡不敵急收
軍且戰且退匪亦不敢窮追是役斃匪五十餘
馬匪亦受重傷即日拔寨渡河西歸楊匪亦自
此潛逃後為易旅曉嵐擒獲正法

庚子奇荒

清光緒間四海無虞人民樂業年歲豐稔斗米
錢不及三百粒米狼戾真有粟如水火景象己
亥之秋值五穀揚花忽然淫雨月餘田中禾皆
秀而不實收穫後米價陡漲庚子之春驟增數
十倍價人民食草根樹葉淨盡復掘白泥名觀
音粉為食道殍相望遊擊趙和亭公捐薪俸壹
千兩派紳王次貞等購米平糶旋函告貴陽華
君延釐慨捐銀伍百兩就武聖宮設廠施粥食

粥者日五六百人城紳赴省請賑准撥銀三千
兩委員張運美來水賑濟張至委紳趙昱買糧
平糶照給市價糶戶盡出因糧平糶是歲谷亦
成熟荒象始平

壬寅豺患

庚子以後歲漸豐收然大荒之後時疫流行人民憂猶未釋壬寅五六月內至蜀黍極茂豺狼藏於森林常出噬人數日一見通判喻濟丞公為文以祀城隍神會集營兵盡伐南山林木豺出走他山槍礮亦莫能擊旋募苗民善獵者獵得數獸豺患始息其文附後

水城通判因豺狗噬人牒本境城隍文

喻鴻鈞

粵稽大禹禦神奸除魑魅魍魎之患周公驅猛獸徙虎豹犀象之居方今聖天子統一寰區撫齊方夏遐荒異族震疊聲靈河嶽百神懷柔德教正鳳翥鸞翔之候龍馴虎伏之時蓋理幽治明各供爾職自民安物阜咸暢其天也具官某楚北庸材黠南末吏哀屋鴻雁牧切牛羊自通籍以來求不負讀書兩字除正供以外誓不

貪百姓一錢材德了不異人職分循其在我茲
奉檄來權斯篆已三閱月矣仰託神庥深幸
雨暘時若勤求民隱原期風教聿新不料近日
訛傳行人相戒獸名豺狗凶噬啞人碩大非同
封豕長蛇毒殘更甚獬豸狡獪且類城狐社鼠
出沒無常聚而嗥者數十成群噬而吞者三百
餘口豈政失職而示之警豈家不善而降之殃
雖曰妖由人興畢竟數以理勝上帝有好生之
德詎以養人者害人大律有抵命之條豈不功

人而功狗竊思魯公為政虎自渡河卓茂治民
蝗不入境貌躬涼德消弭無方 廟貌有神有

求必應 具官為天子守土興利除患分所當為

尊神為天地涖城捍患禦災責無旁貸爾俸
爾祿在位既凜尸位之羞我將我享明神應答
明禮之報陰陽雖然各理功過就必平分若夫
率獸食人惡在其為父母用是籲天請命尚以
保我黎民伏冀慧眼垂青慈心保赤伸鐵鉞之
神威護耰耨之民力入其穴得其子俾無遺孽

之留食其肉寢其皮稍洩羣情之忿行見荷城
春藹安小民生計之常經草野風清普盛世休
和之雅化閭郡幸甚具官幸甚須至牒者

選舉門 黉宮秀士

嚴至善 嚴維懋 趙家彪 趙翔雲

趙璽 趙家相 趙廷珪 趙家鶚

王驤 鄧學林 趙廷璋 錢萬選

李達年 嚴守善 錢青選 桂天相

趙文周 單輔國 嚴維愚 嚴維元

嚴維專 嚴維和 嚴敦善 徐廷佩

安家元 安吉士 徐廷瑚 段天貴

蕭家謨 石藩 嚴統善 鄧廷獻

鄧聖華

向時行

李德晉

陳敬

王猷

徐廷琚

徐廷玉

張西銘

王位南

王壽椿

王壽柏

王偉南

范和韓

范和謙

周麟

周之楨

張淦

王靈萃

陳文傑

李天柱

李天極

王家瑞

王彬

趙知遠

趙思遠

趙昌遠

趙光遠

趙傳遠

趙聲和

黃志山

趙大全

錢玉

蕭紹琳

李楨

王應勝

王應賢